



## JK-Self Enumeration

मरदमशुमारी 2027 तैहत कल शुरु होए दे घरें-मकाने दी गिनत्री करने दी प्रक्रिया कोला पैहले लगभग 15एं दिनें धोड़ी चले दे ऑनलाईन आपू अपनी जानकारी दर्ज करने आहले Self Enumeration पोर्टल राएं रिकार्ड 6 लक्ख 67 जहार लोकें अपनी जानकारी दर्ज कीती ऐ। आकाशाणी दे जम्मू संवाददात नै जानकारी दिती ऐ कि इस बारे जानकारी सांझी करदे होई जम्मू-कश्मीर ते लद्दाख दे प्रधान मुख् जनगणना अधिकारी ते जनगणना प्रक्रिया दे निदेशक अमित शर्मा होरें दस्सेआ कि 2027 दी मरदमशुमारी तैहत सैल्फ इन्यूमरेशन च बधी-चढ़िये हिस्सा लैने आहले केन्द्र शासत प्रदेशें च जम्मू-कश्मीर सब्भनें शा अग्गे ऐ- जिसले कि होरनें राज्यें गी बी जेकर मलाया जा तां जम्मू-कश्मीर 8में नम्बर पर ऐ।

<><><><><><>

## Rajouri -House Enumeration

राजौरी दे जिला विकास कमीशनर अभिषेक शर्मा होरें कल डॉक बंगला राजौरी थमां 2027 आहली मरदमशुमारी तैहत घरें-मकाने दी गिनत्री आहली प्रक्रिया दी औपचारिक तौरा पर शुरुआत कराई जेहदे तैहत सरबंधित अमला घर-घर जाइयै एह गिनत्री ते ब्योरा किट्ठा करै करदा ऐ। उनें इस मौके पर जागरुकता रैली गी बी झंडी दस्सियै रवाना कीता- जेहदे च लोकें गी बी इस राष्ट्रव्यापी प्रक्रिया च बधी-चढ़िये हिस्सा लैने लेई प्रेरत कीता जा'रदा ऐ। इस मौके बोलदे होई डी.सी. होरें जानकारी दिती कि 17 मई कोला लेइयै 31 मई 2026 तगर चलाए गेदे- ऑनलाईन आपू अपनी जानकारी दर्ज करने आहली सेल्फ इन्यूमरेशन दी प्रक्रिया तैहत जिले च 62 जहार लोकें अपनी जानकारी दर्ज कीती ऐ- जेहड़ी जे इक दिल बधाने आहली सारत ऐ कि

लोक इस प्रक्रिया गी लेइयै किन्ने मते उत्साहित न। पत्रकारें कन्नै गल्ल करदे होई अभिषेक शर्मा होरें आखेआ.

<><><><><><>

CM-Circuit House

मुख्यमंत्री उमर अब्दुल्ला होरें कल श्रीनगर दे चर्च लेन इलाके च सर्कट हाउस च ठैहरने लेई कीते गेदे बाद्दू निर्माण दा उदघाटन कीता- जेहदे नै उत्थै औने आहले विशेष हस्तियें ते लोकें लेई बेहतर खातर-तवज्जो ते ठैहने दी बवस्था होई सकोग। केपैक्स बजट तैहत 7 करोड़ 81 लकख 34 जहार रपे दी लागत कन्नै इस परियोजना गी PWD मैहकमे आसेया तोढ़ चाढ़ेया गेआ ऐ। इनें नमियें सुविधाएं च इक बेसमेंट ते उप्पर त्रै मंजलां इमारत शामिल ऐ। इस इमारत च रौहने लेई 18 कमरें च जिंदे चा 3 स्वीट ते जरूरी सब्भनै सुविधाएं कन्नै लैस आम साधारण कमरें बी शामिल न। इस इमारत च इक बारी च 13 लोकें गी लेई जाने दी छमता आहली OTIS लिफ्ट बी लाई गेदी ऐ। उदघाटन मौके उत्थे मजूद उपमुख्यमंत्री सुरिन्दर चौधरी होरें आखेआ.

<><><><><><>

CM- Raabita

मुख्यमंत्री उमर अब्दुल्ला हुंदे आसेया लोकें गी मिलियै उन्दियें दिक्कतें-परेशानियें गी जानने लेई शुरु कीते गेदे “राबिता” कार्यक्रम तैहत कल श्रीनगर च केई शिष्टमंडल उनें गी आइये मिले ते अपने-अपने इलाके दियें दिक्कतें-समस्याएं गी उन्दे अगगे रक्खेआ। लद्दाख थमां लोकसभा

दे सदस्य हाजी मोहम्मद हनीफा किश प्रतिनिधिमंडलें कन्नै मुखमंत्री होरें गी मिले। विधायक निज़ामउद्दीन भट्ट- सलमान सागर ते डाक्टर शफी अहमद वानी होर बी उमर अब्दुल्ला होरें गी मिले ते उनें गी अपने-अपने हलकें दे मुद्दे-मसलें दे बारे च दस्सेआ- जिंदे च लोक कल्याण सरबंधि मुद्दे मुख तौरा पर शामिल हे। जम्मू-कश्मीर BOPEE दियां चेयरपर्सन प्रोफ़ेसर मीनू महाजन होर बी मुखमंत्री होरें गी मिलियां ते बोर्ड दी कारकरदगी सरबंधि मामले पर उन्दे नै गल्लबात कीती। मुख मंत्री होरें सब्भनें दे मुद्दे गी धरोड़यै सुनेया ते हर जायज मसलें दा पैहल दी बिनाह पर बनकदा हल्ल तौले शा तौले करने दा भरोसा दोआया।

<><><><><><>

Satish -Tsm Sector

ट्रान्स्पोर्ट मंत्री सतीश शर्मा होरें सैलसफा सैक्टर च सरकार आसेआ उपलब्ध करोआए जा'रदे बेशुमार मौकें गी उजागर करदे होई कल आखेआ जे बड़े मते कठन भौगोलिक ते मौसमी हालात सरबंधी चुनौतियें दा सामना करने दे बावजूद जम्मू-कश्मीर- निवेश- उद्यमशीलता ते रोजगार लेई इक शानदार थाहर दे रुपै च उब्भरियै सामने आया ऐ। जम्मू-कश्मीर Business Conclave 2026 च प्रतिभागियें गी सम्बोधित करदे होई उ'नें आखेआ जे सरकार बपार- स्टार्ट-अप्स ते मकामी उद्यमियें लेई माफक माहौल तयार करियै जम्मू-कश्मीर गी सैलसफा आधारित आर्थिक विकास दे इक जीवंत केन्द्र च तब्दील करने लेई वचनबद्ध ऐ। उ'नें आखेआ जे इस इलाके गी म्हेशां थमां गै मौसमी हालात ते होर दुड़यें चुनौतियें दा सामना करना पेआ ऐ पर सरकार विकास दे एजेंडे गी अगड़े बधाने थमां कदें बी पिच्छे नैई होई ऐ।

<><><><><><>

## JK –Search Operation

जम्मू-कश्मीर दे राजौरी जिले च आतंकवादियेँ दा पता लाने लेई सुरक्षाबलेँ आसेया शरुवली नां कन्ने चलाए जा'रदे बड्डे पैमाने पर सांझा तपाशी अभियान कल 10में दिन बी जारी रेहा। आतंकवादियेँ दे ठकान दा पता लाने लेई ते घने जंगले आले इलाकेँ च सुरक्षा गी मजबूत करने लेई सख्त जतन कीते जा'रदे न। फौज आसेया होरनी सुरक्षा सुरक्षा एजेसियेँ कन्ने रलियेँ एह अभियान चलाया जा' करदा ऐ। जारी इस अभियान दौरान व्हाई नाइट Corps दे GoC लैफ्टिनेंट जनरल पी.के मिश्रा होरेँ Ace of Space Division दे GoC हुंदे कन्ने कल कब्जा रेखा कन्ने लग्गदे अगेत्रे इलाकेँ दा दौरा लाया ते मौजूदा सुरक्षा हालात ते कारवाइयेँ सरबन्धी तयारियेँ दा जायजा लैता।

<><><><><><>

## Ola Licence Cancelled

जम्मू-कश्मीर ट्रांस्पोर्ट मैहकमे ने Ola गी दिते गेदे मोटर गड्डिये दे Aggregator लसेँसेँ गी एह हवाला दिंदे होई रद्द करी दिता ऐ जे ओह जम्मू च अपने शाखा दफ्तर गी चालू करने च नाकाम रेही ऐ ते ते बार-बार नोटिस दिते जाने दे बावजूद लसेँस सरबन्धी शर्तेँ दा पालन नेई करा रदी ऐ। लसेँस रद्द होने कन्ने Ola हून जम्मू-कश्मीर च मोटर गड्डियेँ दे Aggregator दे तौरा पर कम्म करने लेई अधिकृत नेई होग- जिसले तगर ओह लागू नियमें ते कायदे मताबक नर्मी इजाजत हासल नेई करी लैदा। जम्मू-कश्मीर दे ट्रांस्पोर्ट कमीशनर विशेष पाल महाजन हुंदे

आसेआ जारी इक हुकमै मुजब Ola गी दिता गेदा लाईसेंस- Motor Vehicles Aggregator नियम 2023 दे प्रावधानें तैहत फौरी प्रभाव कन्नै रद्द करी दिता गेआ ऐ।

<><><><><><>

Mango Cultivation -Udhampur

प्रधानमंत्री नरेन्द्र मोदी हुंदे आसेया हाल च गै “मन की बात” कार्यक्रम दौरान अम्बें दे उत्पादकें दे योगदान गी उजागर कीते जाने दे बाद- उधमपुर जिले च अम्बें दी खेती गी लेइयै लोकें च बड़ा मता उत्साह दिखने गी लब्बा रदा ऐ। उधमपुर जिले दे पहाड़ी इलाकें च स्थित मझालता-दशेरी अम्बें दी खेती लेई इक मशहूर थाहर दे रुपै च उभरियै सामने आया ऐ। इस इलाके दी माफक आबो-हवा ते करसानें दी लग्न कन्नै एह अम्ब हून छड़ा जिले च गै नई सगुआ होरनें हिस्सें च बी अपनी गुणवत्ता लेई मशहूर होआ रदे न। म्यारी दशेरी अम्बें लेई जाने जाने आहले मझालता इलाके दे करसानें दा आखना ऐ जे प्रधानमंत्री हुंदे आसेया सराहना कीते जाने दे बाद- फलें दी खेती करने लेई उन्दा उत्साह होर बी बधी गेदा ऐ। आकाशवाणी समाचार कन्नै अपने विचार सांझे करदे ही किश मकामी करसानें दा आखना ऐ.

<><><><><><>

Weather

मौसम विभाग नै पेशगोई कीती ऐ जे 3 जून तगर मौसम आम तौरा पर खुशक बने दा रौहग। 4 ते 5 जून गी नेकें थाहरें पर परतियै बरखा- गरज-चमक ते तेज ब्लाऊ दे चलने दी संभावना

ऐ। मैहकमे नै 6 थमां 8 जून तगर आम तौरा पर खुशक मौसम दा अंदाजा लाया ऐ। मौसम सरबन्धी होर जानकारी दिंदे होई मौसम विभाग दे डायरेक्टर मुख्तार अहमद होरें आखेआ.

<><><><><><>